

## **KinyaRwanda - Arabakiza Ibyanditswe - Healing Scriptures**

- Iyimukamisiri 15:26 Arababwira ati “Nugira umwete wo kumvira Uwiteka  
Imana yawe, ugakora ibitunganye mu maso yayo, ukumvira amategeko  
yayo, ukitondera ibyo yategetse byose, nta ndwara nzaguteza mu zo nateje  
Abanyegiputa, kuko ari jye Uwiteka ugukiza indwara.”**
- Ivugururamategeko 7:15 Uwiteka azagukuraho indwara zose, ntazaguteza  
n'imwe muri za ndwara mbi z'Abanyegiputa uzi, ahubwo azaziteza  
abakwanga bose.**
- Zaburi 107:20 Akohereza ijambo rye akabakiza indwara, Akabakiza kwinjira  
mu mva zabo.**
- Zaburi 146:8 Uwiteka ni we uhumura impumyi, Uwiteka ni we wemesha  
abahetamye, Uwiteka ni we ukunda abakiranutsi.**
- Ezayi 35:5 Icyo gihe impumyi zizahumurwa, n'ibipfamatwi bizaziburwa.**
- Ezayi 53:5 Nyamara ibicumuro byacu ni byo yacumitiwe, yashenjaguriwe  
gukiranirwa kwacu, igihano kiduhesha amahoro cyari kuri we, kandi  
imibyimba ye ni yo adukirisha.**
- Ezayi 58:8 “Maze rero umucyo wawe uzaherako utambike nk'umuseke,  
ubukire bwawe buzatoha vuba, gukiranuka kwawe kuzakujya imbere, kandi  
icyubahiro cy'Uwiteka kizaba kigushoreye.**
- Yeremiya 30:17 Nzakugarurira amagara yawe, kandi nzagukiza inguma zawe,  
ni ko Uwiteka avuga, kuko bari bakwise igicibwa bat 'Hano n'i Siyon,  
hatagira uhitaho.' ”**
- Yeremiya 33:6 Ariko rero nzabazanira kumera neza n'agakiza kandi mbakize,  
ndetse nzabahishurira amahoro n'ukuri bisesekaye.**
- Malakiya 4:2(3:22) “Nimwibuke amategeko y'umugaragu wanje Mose, ayo na-  
mutegekeye i Horebu yari ay'Abisirayeli bose, yari amategeko n'amateka.**
- Matayo 4:23,24 Yesu agenderera ab'i Galilaya hose, abigishiriza mu  
masinagogi yabo ababwira ubutumwa bwiza bw'ubwami, akiza n'indwara  
zose n'ubumuga bw'abantu. 24 Inkuru ye yamamara i Siriya yose,  
bamuzanira abarwayi bose n'indembe barwaye indwara zitari zimwe,  
n'abatewe n'abadayimoni, n'abarwaye ibicuri n'ibirema arabakiza.**
- Matayo 8:16,17 Nimugoroba bamuzanira abantu bensi batewe n'abadayimoni,  
yirukanisha abadayimoni itegeko gusa, akiza abari barwaye bose, 17 kugira  
ngo ibyavuzwe n'umuhanuzi Yesaya bisohore ngo “Ubwe ni we watwaraga  
ubumuga bwacu, akikorera n'indwara zacu.”**
- Matayo 9:35 Yesu agenda mu midugudu n'ibirorero byose, yigisha mu  
masinagogi avuga ubutumwa bwiza bw'ubwami, akiza indwara zose  
n'ubumuga bwose.**
- Matayo 10:1,8 Ahamagara abigishwa be cumi na babiri, abaha ubutware bwo  
kwirukana abadayimoni no gukiza indwara zose n'ubumuga bwose. (Mariko**

- 3:14,15) 8 Mukize abarwayi, muzure abapfuye, mukize ababembe, mwirukane abadayimoni. Mwaherewe ubusa, namwe mujye mutangira ubundi.**
- Matayo 11:5 Impumyi zirahumuka, ibirema biragenda, ababembe barakira, ibipfamatwi birumva, abapfuye barazurwa, abakene barabwirwa ubutumwa bwiza.**
- Matayo 12:15 Yesu abimenye arahava, abantu benshi bajyana na we abakiza bose,**
- Matayo 15:30 Abantu benshi baza aho ari, bazana abacumbagira n'ibirema, n'impumyi n'ibiragi n'abandi barwayi benshi, babarambika hasi imbere ye arabakiza,**
- Matayo 17:20 Arabasubiza ati "Ni ukwizera kwanyu guke: ndababwira ukuri yuko mwaba mufite kwizera kungana n'akabuto ka sinapi, mwabwira uyu musozi muti 'Va hano ujye hirya' wahava, kandi ntakizabananira.**
- Mariko 1:34 Akiza benshi bari barwaye indwara zitari zimwe, yirukana abadayimoni benshi, ntiyabakundira ko bavuga kuko bari bamuzi.**
- Mariko 3:10 Kuko yakijije benshi, ni cyo cyatumye abari bafite ibyago bose bamugwira ngo bamukoreho.**
- Mariko 6:5,6,13 Nuko ntiyashobora kugira igitangaza ahakorera na kimwe, keretse abarwayi bake yarambitseho ibiganza arabakiza, 6 atangazwa n'uko batizeye. Agendagenda mu birorero impande zose yigisha. 13 birukana abadayimoni benshi, basiga amavuta abarwayi benshi barakira.**
- Mariko 6:55,56 birukanka impande zose muri icyo gihugu cyose, batangira guheka abarwayi mu ngobyi babazererana aho bamwumvise. 56 N'aho yajyaga hose, ari mu birorero cyangwa mu midugudu cyangwa mu ngo bashyiraga abarwayi mu maguriro, bakamwinginga ngo nibura abemerere gukora ku nshunda z'umwenda we gusa, abazikozeho bose bagakira.**
- Mariko 8:23-25 Ayifata ukuboko ayisohokana mu kivorero, acira amacandwe mu maso yayo, ayirambikaho ibiganza arayibaza ati "Hari icyo ureba?" 24 Irararama iramusubiza iti "Ndareba abantu ariko barasa n'ibiti bigenda." 25 Arongera ayishyira ibiganza ku maso, iratumbira irakira isigara ireba byose neza.**
- Mariko 9:29 Arabasubiza ati "Bene uwo ntavanwamo n'ikindi, keretse gusenga no kwiyiriza ubusa."**
- Mariko 16:17,18 Kandi ibimenyetso bizagumana n'abizera ngibi: bazirukana abadayimoni mu izina ryanje, bazavuga indimi nshya, 18 bazafata inzoka, kandi nibanywa ikintu cyica nta cyo kizabatwara na hato, bazarambika ibiganza ku barwayi bakire."**
- Luka 4:18 "Umwuka w'Uwiteka ari muri jye, Ni cyo cyatumye ansigira, Kugira ngo mbwirize abakene ubutumwa bwiza. Yantumye kumenyesha imbohe ko zibohorwa, N'impumyi ko zihumuka, No kubohora ibisenzegeri,**
- Luka 4:40 Nuko izuba rigiye kurenga, abafite abarwayi bose barwaye indwara zitari zimwe barabamuzanira. Abarambikaho ibiganza umwe umwe**

arabakiza.

**Luka 5:15 Nyamara inkuru ye irushaho kwamamara, iteraniro ry'abantu benshi riteranira kumwumva no gukizwa indwara zabo,**

**Luka 5:17-25 Nuko ku munsi umwe muri iyo yarigishaga, Abafarisayo**  
n'abigishamategeko bari bicaye aho bavuye mu birorero byose by'i Galilaya  
n'i Yudaya n'i Yerusalem, kandi imbaraga z'Umwami Imana zari muri we  
zo kubakiza. 18 Nuko abagabo bazana umuntu mu ngobyi waremaye,  
bashaka kumwinjiza ngo bamushyire imbere ye. 19 Babuze aho  
bamwinjiriza kuko abantu bahuzuye, burira hejuru y'inzu bamucisha mu  
mategura, bamumanurana n'ingobyi hagati yabo imbere ya Yesu. 20 Abonye  
kwizera kwabo aravuga ati "Wa mugabo we, ibyaha byawe urabibabariwe."  
21 Abanditsi n'Abafarisayo batangira kwiburanya bat "Uyu ni nde  
wigereranije? Ni nde ushobora kubabarira ibyaha uretse Imana yonyine?"  
22 Maze Yesu amenya ibyo biburanya, arababaza ati "Muriburanya iki mu  
mitima yanyu? 23 Icyoroshye ni ikihe, ari ukuvuga nti 'Ibyaha byawe  
urabibabariwe', cyangwa nti 'Byuka ugende'? 24 Arikomumenye yuko  
Umwana w'umuntu afite ubutware mu isi bwo kubabarira abantu ibyaha."  
Nuko abwira icyo kirema ati "Ndagutegetse, byuka wikorere ingobyi yawe  
utahe." 25 Muri ako kanya abyuka imbere yabo, yikorera ingobyi yari  
aryamyeho, ataha ahimbaza Imana.

**Luka 6:17-19 Amanukana na bo, ahagarara aharinganiye ari kumwe**  
n'abigishwa be benshi, n'abantu benshi bavuye i Yudaya hose n'i  
Yerusalem, no mu gihugu cy'i Tiro n'i Sidoni gihereranye n'Iyanja Nini,  
bazanywe no kumwumva no gukizwa indwara zabo, 18 kandi  
n'abababazwaga n'abadayimoni arabakiza. 19 Abantu bose bashaka  
kumukoraho, kuko imbaraga yamuvgamo ikabakiza bose.

**Luka 7:21,22 Nuko muri uwo mwanya akiza benshi indwara n'ibyago**  
n'abadayimoni, n'impumyi nyinshi arazihumura. 22 Arabasubiza ati  
"Nimugende mubwire Yohana ibyo mubonye n'ibyo mwumvise. Impumyi  
zirahumuka, abacumbagira baragenda, ababembe barakira, ibipfamatwi  
birumva, abapfuye barazurwa, abakene barbwirwa ubutumwa bwiza.

**Luka 8:2 n'abagore bamwe bakijijwe abadayimoni n'indwara, barimo Mariya**  
witwaga Magadalena wirukanywemo abadayimoni barindwi,

**Luka 9:2 Abatuma kubwiriza abantu iby'ubwami bw'Imana no gukiza abarwayi,**  
**Luka 9:11 Abantu babimenye baramukurikira, arabakira avugana na bo**  
iby'ubwami bw'Imana, n'abashaka gukizwa arabakiza.

**Luka 13:12 Yesu amubonye aramuhamagara aramubwira ati "Mugore,**  
ubohowe ubumuga bwawe."

**Luka 13:32 Arababwira ati "Nimugende mubwire iyo ngunzu muti 'Dore**  
arirukana abadayimoni, arakiza abantu none n'ejo, maze ku munsi wa  
gatatu azaba arangije rwose.'

**Yohani 5:8,14 Yesu aramubwira ati "Byuka wikorere uburiri bwawe ugende."**

**14 Hanyuma y'ibyo Yesu amubona mu rusengero aramubwira ati “Dore ubaye muzima, ntukongere gukora icyaha utazabona ishyano riruta irya mbere.”**

**Yohani 14:12 Ni ukuri, ni ukuri, ndababwira yuko unyizera, imirimo nkora na we azayikora ndetse azakora n'i yiruta, kuko njya kwa Data.**

**Ibyakozwe 3:6 Petero aramubwira ati “Ifeza n'izahabu nta byo mfite, ahubwo icyo mfite ndakiguha. Mu izina rya Yesu Kristo w'i Nazareti, haguruka ugende.”**

**Ibyakozwe 5:15,16 byatumaga bazana abarwayi mu nzira bakabashyira ku mariri no mu ngobyi, kugira ngo Petero nahanyura nibura igicucu cye kigere kuri bamwe. 16 Hateraniraga benshi bavuye no mu midugudu ihereranye n'i Yerusalem, bazanye abababazwa n'abadayimoni bose bagakizwa.**

**Ibyakozwe 10:38 ni irya Yesu w'i Nazareti, uko Imana yamusutseho Umwuka Wera n'imbaraga, akagenda agirira abantu neza, agakiza abo Satani atwaza igitugu, kuko Imana yari iri kumwe na we.**

**Ibyakozwe 19:11,12 Kandi Imana yakoreshaga amaboko ya Pawulo ibitangaza bikomeye. 12 Ndetse bashyiraga abarwayi ibitambaro n'imyenda bivuye ku mubiri we bagakira indwara zabo, abadayimoni bakabavamo.**

**Abanyaroma 8:26 Uko ni ko n'Umwuka adufasha mu ntege nke zacu kuko tutazi uko dukwiriye gusenga, ariko Umwuka ubwe ni we udusabira anisha iminiho itavugwa,**

**1 Abanyakorinti, iya 12:9 undi agaheshwa n'uwo Mwuka kwizera, undi agaheshwa n'uwo Mwuka impano yo gukiza indwara.**

**1 Abanyakorinti, iya 12:28 Imana yashyize bamwe mu Itorero: ubwa mbere intumwa, ubwa kabiri abahanuzi, ubwa gatatu abigisha, maze ishyiraho abakora ibitangaza n'bahawewe impano zo gukiza indwara, n'bahawewe gufasha abandi, n'bahawewe gutwara, n'bahawewe kuvuga indimi nyinshi.**

**Abanyafilipi 2:27 Kurwara koko yari arwaye, ndetse yari agiye gupfa ariko Imana iramubabarira, nyamara si we wenyine ahubwo nanjye yarambabariye, ngo ntongerwaho undi mubabaro ku uwo nsanganywe.**

**Yakobo 5:14 Muri mwe hariho urwaye? Natumire abakuru b'Itorero, bamusabire bamusize amavuta mu izina ry'Umwami.**

**1 Petero, iya 2:24 Ubwe yikoreye ibyaha byacu mu mubiri we abibambanwa ku giti, kugira ngo dupfe ku byaha duhereko tubebo ku gukiranuka. Imibyimba ye ni yo yabakijije.**

**3 Yohani, iya 1:2 Jyewe Umukuru, ndakwandikiye Gayo ncuti yanje nkunda kubera ukuri kw'Imana.**